

船

山

詩

草

船山詩草卷五

遂寧 張問陶 仲治

松筠集

庚戌

庚戌九月三日移居松筠庵

梅檀香淨好移居家具何曾滿一車
畱得累人身外物半肩行理半肩書

浮生一粟海茫茫到底他鄉異故鄉
我與黃花同冷落卜居最稱古重陽

誅茅獨取臨江宅踏雪還畱印爪痕
此後閉門無一

解山詩草卷五

事嘔心黑夜弔忠魂

庵爲楊椒山先生故宅

霧閣雲房幻景新偶然小住亦前因
映門一樹常孤立疑是蘭成賦裏人

禪院舊有小椿一株亭亭孤立重陽前
一日買菊數本雜植其旁九日飲酒醉中得句醒後連綴成詩

閒官門徑冷于禪賃廡如登天願船九日栽花聊復爾
十年樹木亦徒然一生儘有關心事萬物姑存過眼緣
未轉頭時空不得秋衣人瘦菊枝前

贈同年李許齋

廣芸

何緣剽籍共師韓一曲霓裳接古歡
應馬應牛如我易不夷不惠似君難
詩人豈屑爲能吏佛法無妨現宰官
珍重書生初帶印臨民須作子孫看

贈同年石竹堂

太和春殿紫雲齊靈鷲飛來衆嶺低
不待臚傳誇際遇姓名早已入宸題

連年考試翰林皆以石韞玉命題

人幕何須諱舊遊求生一念足于秋
替人刪盡申韓術祇把仁心奪狀頭

一官清令萬緣輕鐵石心腸宋廣平
識得人閒忠孝字頭銜才稱好逢羸

古寺松筠有舊鄰卜居我是後來人到門不用喚人
背同採霜花薦直臣

予所居卽竹堂舊寓也

菊花詩

臭味能從淡處真祇疑陶令是前身一生得氣惟宜
冷五色迎霜也自勻晚節清高賢宰相秘容寒瘦古
詩人繁華全讓開桃李獨傲西風不占春

一畦寒色映簾櫳秋到重陽雨又風天下奇愁三徑
遠人間冷眼萬花空僧寮澹對疑高士杯酒新開課
短童苦憶故園諸弟妹繞籬同坐月明中

送從弟受之歸蜀

何處牽來薄笨車重陽才過便離居迢迢故國千山
遠潦草微名萬里餘得失盡人皆不免艱難似我更
何如送君忍作尋常語歸趁窮愁好著書
一門饑走各風塵算我豪華有俸銀入世身閒仍愛
古承家心壯在能貧秋來特苦多離別夢裏皆思伴
隱淪唱盡陽關無限疊可憐猶是未歸人

得四兄海客楚中書

一別梗消息書來已十年飄零湖海夢真幻弟兄緣
王粲仍流寓靈均欲問天苦吟身健否秋老大江前
黃鶴倚秋雲雙城一水分昔時攜手處煙月獨畱君

幕燕傷無偶

海客今年二十
又二尚未娶婦

江鴻痛失羣

位東大兄
以戊申去

世縛船臨古渡應有送窮文

送同年張子白若采之皖江

夢隔蓬山路無端受墨磨志違難作吏年少悔登科
酒冷雄心退人高熱淚多鴻詞堪應詔此意莫蹉跎
皖口波濤闊雲山耐苦吟春衣慈母線秋水故人心
醉後遊蹤幻愁中壯思沈一帆尋雁汊回望五雲深
才子肝腸熱詩人際遇難君宜非俗士天遣作麤官
酬世經綸在親民事業寬虛聲如可雪何必愛酸寒
所望嗟何事無聊歎此遊氣吞渤海勢才窘稍梁謀

異地真難別吾家總善愁南征應憶我風雪寄倡樓

繡佛齋偈然排悶

移庵何處更深居容得形骸便有餘
尙解隨緣惟我佛不畱長物稱吾廬
一叢霜菊香初地四壁秋星點太虛
時壁上懸恒星圖一軸可是未能忘結習
天花狼藉滿牀書

百年何策救饑寒古寺燈昏夜倚欄
田舍荒蕪悲故國冠裳古陋笑閒官
未能免俗心情雜無以爲家去住難
不信貝多真實語浮生那得夢中看

陳倉西望亂峰橫翻爲思歸樂遠征
恨夢難尋傷久

別遣愁不去悔多情逢人誑語無生法懷刺親題太
瘦生聽鼓蘭臺身萬里家山空費杜鵑聲

早朝

香籠樓殿曉氤氲仙仗迎來雉尾分回首十年遊子
夢萬山風雪一江雲

初冬九日得秀水馬吉初大剡書知杏里師
于去夏辭世感事述懷

裂素傳來只淚痕十年風雨黯離魂君驚霜露哀親
舍我痛雲山哭寢門子弟多才家定起生徒不惡道
長尊開緘悲喜真交集利市新誇識字孫

去年師長
孫新舉秀

才

齊楚談經萬里從八年文史勸三冬情同骨肉忘師

弟痛檢音書亂吉凶請學還思蕭穎士知人誰繼郭

林宗張山東望真愁絕何日親培馬鬣封時卜葬地尚未得

一門叔父腹中即羣從飄零亦可傷余叔姪弟兄皆從師課讀今所

存者惟王峯叔及海客亥白與余四人而已人到無家多聚散書來訪舊

半存亡狂奴入世心仍遠志士登科氣不揚莫問謝

安哀樂事年年身閱小滄桑

第五才名愛白眉風流儒雅似吾師逢人都道何耶

少感舊曾叨鮑叔知鸚鵡洲邊迷昨夢鸛鴒湖畔宣

相思待君獨立鑿坡上棲鳳常培碧玉枝

題陳寅堂白日掩荆圖

石牀臨水坐朝昏衣上苔痕雜酒痕老樹當關無劍
啄一行歸鳥識柴門

贈同年顧容堂

王霖

忘機不解在官忙畫手文心兩擅場掃盡尋常名士
氣丰神落穆是真狂

愛跨疲羸訪故人偶然淡語得天真胸中別有閒邱
壑不受京華一點塵

題同年洪穉存

亮吉

卷施閣詩

翰林昔未遇名高神采王歌聲塞寰瀛筆與嶽瀆抗
今春同拜官識面巒坡上示我紀游詩雙眸豁層障
墨雲騰十指一往但奔放崧華想欽寄江湖寫清臍
眼前眞寶語入手見奇勦五字作長城騷壇踴名將
我生齊楚閒望古心無讓衣染泰山雲帆迴洞庭浪
年來苦饑走轉喜遊蹤暢足跡半人寰舟車隨所向
夢中窺海日愁外看雲嶂方域所區分鶯花亦殊狀
方知詩律難一得終無當小技具神工乾坤歸醞釀
軒然讀大作一片宮音亮萬象羅心胸此才胡可量
殘菊與儲玉琴潤書蔣北研惠華馬鈞隄錄

分韻得人字

畱得秋霜影同尋未了因耐寒猶有月送酒竟無人
氣味真名士頭銜古逸民莫嫌彭澤傲元是此花身

題馬雲隄豔雪樓詩

雲隄爲文肅公之後矣人及女公子皆能詩

僧寮笑詔隔風塵一卷詩傳蘊藉人際世昇平求志
遠起家忠孝讀書真鬚眉軒朗明如畫詞賦紛綸捷
有艸舉酒頓忘寒夜永捲簾霜月滿松筠

相看無計遣詩魔且把毛錐受墨磨火色似君騰上
易白眉從古得名多風前咏絮誇嬌女月裏簪花倚
素娥豔雪樓高吟興徹仙音一片叶雲和

贈石敘民

同年石殿撰
之子名司福

丰格頎然有父風
燈前賄酒氣何雄
他年金殿揮仙筆
莫把科名讓乃翁

招雲隄北研飲遲
玉琴不至分韻得何字

殘菊冬逾瘦
枯禪夢不多
一罇娛上客
五夜喜高歌
名下人無俗
閑中硯共磨
也知防酒失
無那客愁何
共有尊中好
偏遲月下過
風前聊刻燭
門外欲張羅
不厭尋花逕
寧辭典玉珂
比鄰多聚散
一別更如何

送許齋之官浙江

酌酒壽我千萬觴
不如手寫賓筵置
我旁
低頭談我

作名士不如異言策我爲君子平生嗜酒耽枯吟差
喜好言入耳能傾心十年顛倒向天海詩魔酒病特
苦無人解許齋蘊藉人言動隨天真論交一日誓千
古視余宛若平生親閒尋古寺無朝暮點筆裊彈僞
詞賦大罵揚雄不值錢勸我努力功名報君父憫
予縱酒幾亡命正色當筵苦規諍賓客滿堂方叫喚
往往奪杯爲我弛觴政感君期我風塵外肫然風義
追前輩君如同氣真相憐我忍無心忘自愛灌夫傳
言谷許因君一一摺除之百年功過繫良友安得干
秋萬歲無相離朝來揖我與我別一官東指錢塘月

江天遶閣會何年
欲話離愁意倉卒我昔長醉今獨醒
發言猶可爲箴銘
屠刀一放便成佛
半偈居然衝口出
人能知己言無多
願君殷勤撫字無催科
常爲東南百姓培天和

得內子病中札

同檢紅梅玉鏡前
如何小別便經年
蜚鴻呼偶音常苦
棲鳳將鷓鴣瘦可憐
夢遠枕偏雲葉髻
寄愁買貴歷頭箋
開緘淚澆銷魂句
藥餌香濃手自煎

題孫淵如

星衍

前輩雨粟樓詩

大聲疑捲怒濤來
愈我頭風一卷開
直使天驚真快

事能遭人罵是奇才異書讀盡讐秦攻凡馬搜空愛
郭隗十二瓊樓無定所神仙何必住蓬萊

荅澹雲和尚

一片靈光落轉輪偶然遊戲住風塵鄰僧問我無名
字古佛鐙前食肉人

冬日寄玄白嶺南

療愁千古絕良醫常對如來怨別離萬里忽歸惟夢
好三冬得酒任春遲雲因就目心原熱鶴到乘軒骨
更奇嬾慢可眞無用物茫茫此意大蘇知

家風五世耐清貧簪笏何如骨肉眞得請還能供菽

水不貪何用識金銀
峨岷夢去參天石
朝古歸來滿面塵
夜靜霜高星斗濶
同看冷月竟無人
本無熱客訪蒿萊
一任禪扉鎖日開
海外人攜詩卷去
山中書帶棧雲來
新交人座皆豪士
野衲談空有辨才
聞道天南春色早
隔年珍重嶺頭梅

二十一日五更雪寄雲門

火活嫩寒輕窗虛
夜色明重簾風不到
小院雪無聲
驛使經時隔鄉山
八夢清年年鴻影幻
泥爪若爲情

思歸

送遍南鴻我未歸
隔年雨雪又霏霏
一龕對影憐彌

勒五夜占星愧少微
優孟衣冠都近幻
海鷗蹤跡本忘機
思鄉却笑虞姬媚
只解嗷嗷說錦衣

親舍遙遙蜀道長
幾番書札問行藏
五千里路嗟子季
七十年人夢異鄉
遠志從今成小草
歸期何日慰高堂
摩挲畫篋看萊綵
慚愧腰金照地光

天上雲轡海上風

壽門在蜀亥白在粵

中年兄弟各萍蓬
巧分

菽麥懷周子
澹對桄榔歎長公
骨肉相憐真性命

章無據小窮通
人間宦味洪爐雪
爲報西南兩斷鴻

綵毫分寄畫眉妻
緘札年年累汝題
一枕高寒青燐

外三戢窈窕碧雲西
鐙前煮藥爐香靜
雪外鉤簾有

影低嬌女牙牙初學語我歸應與繡牀齊

贈同年陳戶部琴山登泰

羶鶴臨風意欲仙斯人清淨出天然文章不藉登科重自我知名已十年

偶成

一領朝衫瘦不支忍寒無語下簾時居能避俗功歸佛夢竟傷人咎在詩浩蕩雄心孤月見崎嶇歸夢故山知盛年可惜如流水坐聽殘鷓噪古祠

贈朱習之

錫經

不談裘馬愛情貧難得如君磊落人骨相沈雄真氣

王好圖河嶽爲傳神

一味天真得古勸通家名刺盡單寒
吾師盛德君能肖四座談經禮數賁

才高自望登科晚人好何愁得子遲
我視永來如燭照不須危坐揲靈蓍

僧廊高臥一身閒車馬惟君日往還
要稱醉翁門下士不徒詞賦學眉山

佛前飲酒浩然有得

野鶴閒雲信所之百年隨分强支持
地中人比骷髏少眼底緣惟骨肉奇
算我榮枯同草木勝他疑信亂

瞽龜夜深鬼問開天事大醉搖頭笑不知

虛舟隨意觸蓬萊此豈乘風破浪來天若有情猶識
我人如無命不須才誰傳死後詩千首莫放生前酒
一杯嬾向卿媛驚臥犬陶然沈醉亂書堆

萬事何須苦認真千金散盡買青春雲天闊處空低
首富貴爭來到轉輪太古可曾談道德大愚也解重
君親醉中頗愛東坡語世上從無不好人

便將奇壽敵鴻荒轉眼終須到北邙佛老看空聊縱
酒海天遊遍且思鄉竟逢知己何妨死未遇傾城不
肯狂夢踏翠虛陪上帝笑看傀儡競登場

憶洗馬池南茅屋作詩寄家人

賃得池南屋十間三間小住七間閒庭空借看鄰家
竹牆短飛來繞縣山 柴諾一箱畱鎖宅紅蕉兩樹
爲當關老親弱弟團欒坐應悵中男不早還

忍從中澤聽哀鴻世上寧教我輩窮一縣田如他姓
子全家人作信天翁危帆貼浪風能起瞎馬臨池路
又通此意至今還未解歲寒且看早梅紅

詠滄湄所得放翁五銖硯

泥

硯池有五銖錢八枚皆有銘質爲澄

號州泥與漢家錢小結淳熙筆墨綠老學庵中人去

後不知磨盡幾桑田

詩人託意不嫌相鑿損池田聚五銖老子韓非同列
傳只愁驕殺守錢奴

萬手傳觀幾日閒也如泉布散人間更憐心太平庵
硯知在煙霞在市閭

錢癖詩名一夢過何須開匣日摩挲人間硯是君家
好只爲羲文孔孟磨

醉後口占

錦衣玉帶雪中眠醉後詩魂欲上天十二萬年無此
樂大呼前輩李青蓮

臘日得亥白韶州書知今年在潮州度歲作

詩寄荅卽約明歲同歸

翩然萬里書來自滇陽峽開緘欲見君縮地苦無法
昨宵夢君處如在芙蓉山知君亦夢我汨汨車塵間
薄宦滯都城思親意良苦況遇歲將除耳中聞臘鼓
知君歸未得愁緒如春蠶祭詩邀六祖饒歲曹溪南
我欲乘朔風尋君滄海上拔地作飛仙問天天不放
怛怛歲暮心渺渺書中人兩人走天下莫救全家貧
大醉訶如來如來笑無語我非挂錫僧何苦守禪宇
作書滿一紙語語言歸休侵晨交驛使爲我寄潮州

君莫愛天南我將辭冀北明歲同西還東川有茅屋

題滄湄海市圖

昔時我祖守登州全家都上蓬萊閣解印惟攜東海
歸天風萬古吹囊橐我獨生無看海緣奇情往往空
雲天夢中不識三山影大海遲生十五年蓮蕊峯人

朱重穆

滄湄

視我生平有奇福曾爲趨庭到此州親

取大海歸雙目也知萬怪總虛無興到何妨信手摹
意匠直隨波共遠墨痕過處雲模糊畫盡洪濤千萬
紙筆穿天外猶難止忽從水面添三毫幻出一圖名
海市誰攢萬物聚浮梗馬足人鬚俱井井質模閣擁

金銀臺一片空靈天際影披圖日炫驚天神影中取
影皆非真我生并此不親見年年空喫京華塵古今
得失常相左前有東坡後無我悵然不肖題此圖請
君還覓眉山蘇

題滄湄知魚樂園

天地空明如積水人生不樂真傖鬼古今有我須臾
耳忽聞誰語來濠梁以魚說法魚洋洋漆園老吏何
其狂吾子圖之亦有託舉以告魚魚不覺魚亦何須
知子樂持圖問我魚何如對君長揖吾非魚相與大
笑亡其圖

臘月十日懷舊

去年以此日別成都

芙蓉城外袖輕鞭送別人如在眼前偶對此宵懷往事又知何處饒明年臥聞臘鼓驚鄉夢醉拜鄰僧倩酒錢剩有巴童如故物銜杯話舊各茫然

冬日將謀乞假出齊化門哭四妹鈞墓

姪趙漢軍

高氏丁未卒于京師

似聞垂死尚吞聲二十年人了一生拜墓無兒天厄汝辭家久客鬼憐兄再來早慰庭幃望一痛難拚骨
函情寄語孤魂休夜哭登車從我共西征

窈窕雲扶月上遲

妹江上對月句

傷心重檢舊烏絲閨中玉

曠張元妹林下風清道韞詩死戀家山難瞑目生逢
羅刹早低眉他年東觀藏書閣身後誰脩未竟辭
一曲桃夭淚數行殘衫破鏡不成粧窮愁嫁女難爲
禮宛轉從夫亦可傷人刊白憐天亦悔生無多日死
偏長未知綿悞留何語侍婢捫心暗斷腸
我正東遊收北征五年前事尙分明那知已是千秋
別猶悵難爲萬里行日下重逢惟斷家人間謀面剩
來生繞墳不忍驅車去無數昏鴉亂哭聲

懷人書屋遣興

偶然安傍寫懷人頓覺人寰盡比鄰幾磴空階高似

閣一窗晴日煖。手春書如軍。亂心能助奴。不寒號道。
在仁直挽幽明歸。斗室癯禪古佛共昏晨。

香來鼻觀識旃檀。院靜窗虛性海寬。樹死幻成身後。
想菊花畱向雪中看。大能祇藥升天早。僧爲持家作。
佛難萬象皆空。杯酒在如從五霸取齊桓。

醉呼老衲坐空庭。案上時攤一卷經。看慣荒祠鴉陣。
黑心憐鄰屋酒旗。青南窗有月休燃燭。北地無梅不。
買瓶笑指西方潮。李白長庚星異少微星。

四圍風勢駭波濤。撼我如蝸屋不牢。月轉牆西千佛。
吟詩來枕上一燈高。硯竒能敵香姜瓦壁暗。新懸日。

本刀人手黃金都散盡又因酒債典宮袍

何妨近市借僧廚一榻高寒夢五湖壁外車聲忙底
事燈前人影澹如無古雖可愛非今日天不能寒有
地爐官對殘年輕撒手銜杯朝暮自酣呼

戲索殘軀作釣砭一蹉睛雪算寒江斜陽倒影穿高
樹獨鳥忘機坐小窗詩闌句畱明日補眼高心爲古
人降城南酒伴如相訪認我門前七寶幢

不讀華嚴氣亦平酒兵詩律破愁城夢中得句常驚
起畫裏看山當遠行難測天心姑任運既來人世可
無情古今大湯多重復只有當前屬我生

秀水金鎬泉

孝繼

忽告其所親願化作絕世

麗姝爲余執箕帚無錫馬雲題

燦

贈余詩亦

有我願來生作君婦只愁情不到梅花之語

戲作二律以謝兩君

飛來綺語太纏綿不獨青娥愛少年人盡願爲夫子
妾天教多結再生緣果他名士皆求死引我痴情欲
放顛爲告山妻須料理典衣早蓄買花錢

名流爭現女郎身一笑殘冬四座春擊壁此時無妬
婦傾城他日盡詩人祗愁隔世紅囊小未免先生白
髮新宋玉年來傷積毀登牆何事苦關臣

十二月十三日與朱習之石竹堂錢質夫飲
酒夜半忽有作道士裝者入門視之則洪稚
存也遂相與痛飲達旦明日作詩分致四君
同傅一笑

勝侶偶然合何妨一舉杯南鄰朱老聲如雷大呼僮
僕無遲回曼卿亦復隱于酒錢耶濯濯如春柳閉門
歡笑成一家掃除賸客如揮帚同看好月來窗下更
洗清樽同小夜肴盡將擒寺狗烹豔傾更向鄰僧借
客負歲暮常搔首豈不懷歸愛吾友任他風柝響三
更密坐談心還執手何處微風入開簾若有人羊裘

羶履五柳巾莊嚴妙相如天神大叫取酒來四座皆
邀巡疑是唐朝酒人李太白不然定是荷鍤鄧伯倫
屋漏之神忽大笑公等無鑿混沌之七竅樽有餘瀝
且澆之乾坤浩浩知爲誰吁嗟乎乾坤浩浩知爲誰
醉中各化飛雲飛

稚存聞余將乞假還山作兩生行贈別醉後
倚歌而和之

讀君兩生行涕笑一時作黑夜關門讀不休打窗奇
鬼爭來攪懷詩急走心茫然遠登雲棧如登天人言
彼土卽吾土藏詩可以經千年我方欲西行二星墜

我前戴樽衣甕佩龍勺俗客驚駭疑真仙莫驚鬼奪
詩我爲公呵護且復立斯須和此好詩去是時下界
冬已殘風狂雪虐天漫漫一生牽衣不忍訣一生和
詩嘔出血城南柳飛空無枝天詔酒星縮離別重讀
兩生行如見兩生情一一若吾語大叫難爲贗翩然
一躍入杯底繞地萬人呼不起雙丁二陸偏同時萬
古之名今已矣酒星抱月來擲入兩生杯兩生驚起
糟邱臺歡聲轟作隆冬雷忽聞門外征馬語兩僮泣
下紛如雨馬聲高朗僮聲俯似訴兩生離別苦一生
聞之悲一生聞之喜兩生悲喜人不知天外浮雲地

中。水。君。不。見。開。天。盤。古。氏。其。情。最。可。憐。九。州。莽。莽。無。
人。煙。獨。坐。獨。行。一。萬。年。又。不。見。高。真。之。居。亦。孤。寂。舉。
酒。招。人。人。不。暱。九。天。費。盡。百。神。謀。僅。奪。唐。朝。一。長。吉。
兩。生。把。盞。同。軒。眉。居。然。日。日。相。追。隨。一。生。偶。送。一。生。
去。臨。歧。何。必。吞。聲。悲。我。馬。莫。憐。君。馬。獨。我。僮。莫。向。君。
僮。哭。雲。天。萬。里。好。聯。吟。共。把。長。空。當。詩。屋。

又一首荅稚存

吸。盡。都。城。酒。萬。杯。此。行。原。不。算。空。回。眼。前。醉。語。天。收。
去。別。後。詩。情。夢。補。來。小。住。談。心。孤。月。滿。狂。呼。拍。馬。亂。
山。開。思。君。他。日。書。千。紙。定。向。我。眉。頂。上。裁。

松筠庵十二月十五夜對月

相看無語夜蕭蕭。相去真如萬里遙。竟擬愛君同骨肉。可能攜我上雲霄。詩來蓬勃疑天助。愁到壘瓏藉酒澆。聽盡鄰雞還獨立。一年好影剩今宵。

乞假未允作詩寄家人

陳情一紙入雲端。待命皇皇到歲寒。故老莫誇徵仕早。少年已悟乞骸難。呼來酒伴愁中笑。幻出家山夢裏看。畢竟悲歡吾自主。且隨古佛住長安。

題張鹿樵懸巖積卷圖

一曲清山擬玉京。張華後世子前生。奇書祇許吾宗

讀官讓誰家擁百城

我慣逃書愛白雲何妨攜杖也從君峰頭月夜呼唐
述同聽神仙誦典璣

十七夜食筍獨飲作小詩排悶

官貧無事不能忙從此人間日夜長四壁狂風疑大
海一檐寒月補斜陽笑聽老衲談生計愁擁殘書入
醉鄉客散僮眠虛室冷歸然我是魯靈光

風塵吹不到禪關暫借僧房爲養閒偶撥紅爐燒佛
筍如披翠雨到家山新篁敗籜遙相憶白酒黃羊且
未還孤負故園梅影外綠陰圍住屋三間

十八夜與稚存質夫子卿飲酒朱習之家醉
後同車訪竹堂茶山滄湄皆各小談乃去夜
近四鼓歸松筠庵與稚存同榻抵足狂談達
旦不寐

車聲一夜繞如環處處敲門不肯還欲向金吾求鎖鑰
大家乘月入西山

二十日得舍弟壽門書

歲暮懷吾弟書來怨遂州貧無千古敵債積萬人讎
田賣成孤注官閒當遠遊最憐天萬里忍凍索羊裘
特書思蜀否大義責萊衣君擬此閒樂吾愁何日歸

囊空奴請去心鬱夢橫飛獨立黃塵外看雲減帶圍
家事亂如毛焚然失所操擲掄聞鬼笑窮俄仰天高
怨我歸無定知君夢亦勞上書遲不報竟擬醉中逃
客意惜殘臘鄉心移萬山小詩吟剗外獨飲醉窗閒
書遠憐黃耳籠深嘆白鵬春花應解笑早爲破愁顏

題藕香閣玉窗清影圖

寫到傾城倍眼明柳花衫子翠生生玉窗縱隱湘裊
色相對如聞點屐聲

一昨春水印人寒詩到難摹畫更難壁外釧聲參破
否名花祇許鏡中看

醉司命日滄湄與鹿園

同年龐士冠

集余齋中談

道三鼓後余醉臥兩君對坐榻上闐然如無

人明日近午起覓兩君則已不知所之矣

我室本風空我牀亦枯朽如何一宿緣坐此兩土偶

澼澼人遙夜淡淡畱疎燈兀兀雙影直融融神光凝

公等常惺然我逢醉卽眠學道與飲酒各各全其天

兩人鼻息沈一人鼾聲起司命逼窗窺得此大歡喜

范攝生夫子招飲

韓門弟子薄劉又只有才名豔雪車我報師恩看異

日眼前詩酒是空花

小除日與稚存松筠庵祭詩屬子卿作圖各
題長歌紀之

萬爆如雷送除夕萬人醉倒兩人惜不因殘冬畱不
住惜此一年詩欲去中夜不敢眠攤詩陳向天祭之
以酒脯慰勞心拳拳君詩六十又一首我詩四百二
十篇抱情各有適衆寡亦偶然同化奇光燭雲漢人
能詆斥天能傳不祭天必怒詩與天有緣不祭兩人
亦羸億明年那得精神全一杯沃詩腸一杯遙奠北
斗邊却如老農索饗貓虎水庸郵表畷三揖百拜何
其虔禮成而退各大醉如聞門外神茶鬱壘嘖嘖稱

詩仙自從大唐司戶參軍賈島去塵世此典不舉忽
已千餘年兩人矍然驚頓作千秋想興到何必倣古
人事過須教後人倣寧遭俗人罵必索名人畫畫之
可以傳天外鬼護神呵長不壞牛腰大卷七尺偉丈
夫何妨片紙圖之小如芥人能狂天爲癡翩然飛來
一畫師軒軒鶴背仙人姿傳神不以貌下筆如有詩
收取殘宵眼前景一一變化神明之酒酣伸紙不停
手但見房帷廬舍一庵人物著指來參差繡佛齋本
無佛詩如山燈如月拜者誰洪穉存立者誰張柳門
偃僂向詩如乞恩願祝此圖傳之萬古萬萬古兩人

手神奕奕常如生。懸圖一笑春風驚。誰爲圖者王子卿。

竹堂齋中餞歲二更歸松筠庵燈下不寐口

占

荒祠守歲不成眠。官冷無家亦可憐。天下人難畱此
夕。眼前景已入明年。燈移僧影來窗下。春逐鄉愁到
酒邊。安得東風真解事。翩然吹我向三川。

除夕懷人八首

沔陽老兵鄧凱 凱居沔之新隄余辛丑
遊沔遇於酒肆年已七十矣曾從張將軍

廣泗征貴州黑苗面有刀痕二寸許

焚却星幣十萬枝雄心退盡死偏遲刀痕貫耳黃鬚
倒酒氣衝冠白髮奇凍雨連江疑鼓角秋風吹枕夢
旌旗征苗夜祭諸名將鬼哭沙場定是誰

漢陽賣餅李叟 辛丑癸卯之閒全家流

寓漢陽恒數日不舉火叟憐之時時以餅
來餽問與之值必強之乃夢八口飢寒至
今無恙叟與有功焉

曾縣餅餌當餐殮何止淮陰一飯恩此日捫心猶有
淚當時乞食竟無門十年繞夢悲江漢三策西書告

子孫爲訊衰翁今健否因君不忍飲雞豚

西塞山下舟師王喜 丙午上元前一夕

余乘兩槳舟三鼓經西塞山下猝遇風起
有三盜破浪南追幸爲大波卷去余與王
喜幾不免

風作龍吟擁下流孤帆黑夜乍沈浮綠林夾岸驚豪
客白浪騰空壓小舟入險有人如共命求生無地出
奇謀至今夢裏逢君處猶在層濤古渡頭

作詩奴徐凌霄 凌霄聊城人多鬚長瓜

從家君在滇五載有滇南紀遊草一卷江

方伯蘭聞其才欲聘爲記室却之不就甲

辰卒于楚中

偷磨碎墨寫寥繖時背斜陽獨倚檐生作人奴空掩
淚死爲詩鬼定掀髯楓林霜落鴉如葉樵路風高月
似鐮句凌霄愛爾才名傳六詔五華舊句忍重拈

成都大觀堂書商鄒漫堂漫堂江西人

通經史凡其架上所貯書叩之悉能貫徹
嘗欲著蜀郡遺聞今未知成否

老守娜嬛作蝨魚一廬長近浣花居雅無錢癖惟耽
酒妙有文情欲著書良賈尙知求富安秀才須愧得

名虛夫真淡處能通慧不在堆牀萬卷餘

雨河口佃戶梁清 久客塵中酷想田間
風景清非余佃人也余曾宿其家門內雍
雍有禮讓風

飯牛人立稻花中天敝斜陽一半紅灌木遮檐千鳥
落陰蟲咒片四山空兒擎卮酒畱賓蕭婦剪庭蔬入
饌豈記得攜燈尋破硯掃君泥壁寫幽風

邯鄲倡孫蘭 蘭汲縣人已酉余過邯鄲
有武弁招之會飲賓主喧譁滿座蘭獨睨
余捧扇索詩有飛鳥依人之態

酒盡歌殘負好春
替揩醉眼汗紅巾
銷魂獨解憐公子
好色何妨近美人
密遞名香頻握手
強隨健卒嬾迴身
夜闌更乞書團扇
淚滿斜行最愴神

與夫徐長子 長子華陽人余往返于遂
寧成都者九由成都北上者二長子無役
不從

東歸臣里北秦關
鹿鹿三年共往還
送我雲中參白帝
出君頭上看青山
一肩積血功難報
七尺長身老更孱
何日世緣同放下
小籃輿閣萬花間

辛亥

辛亥元日三更後獨立檐下偶然作

今日忽如夢昨日已隔年春風來親人寒意猶纏綿
更深立簷隙負手忘塵緣新月不能出矍然星一天
燈光漏牆東屋影皆西偏積雪照庭樹茶竈清無煙
側耳尋人聲四鄰惟管絃虛廊夜窸窣鼠鳴空椽
鐘磬此時寂老僧方醉眠

題王鐵夫

芭孫

楞伽山人詩初集

夫人曹墨琴名貞秀

能詩尤工楷法

點筆何須畫鬼神破空奇語在能真夢中粉黛秦淮
小塞上星河部落勻輦轂論交無數子房帷寫韻有

傳人此才稱食芸香俸急送窮愁早致身

初三日薄暮卽目

牆坊餘雪乍熒熒暮色蒼然欲滿庭幾點昏鴉濃似
墨一痕初月淡于星斜陽影退廚煙白小殿陰浮佛
火青想到夜闌羣動息碧天如水更空靈

橘師軒小額荅贈

醉墨熊熊妙人神狼毫濃寫鏡光勻拈來南國輪心
語北作東倭請學人萬里弓衣梅直講九章橘頌楚
靈均疎狂自笑惟耽酒也值詩名動海濱

春日

簇簇黃旗曉殿開九重天上看春來早朝題好詩多
俗難倒唐家一代才

踏青何處作春遊黃草離離遍瓦溝我被東風真笑
殺驅車三日拜公侯

花前微笑拾紅巾帶雨黏來細草勻此意可憐知隔
世三年不見故園春

已酉庚戌辛亥三年
春日皆客于都門

人日用去年長安韻寄亥白壽門

隔窗低語話東川僮僕思歸亦悄然海客知名來坐
上隴雲如夢記年前滿城簫鼓春無色一院星河月
可憐愁絕草堂西望處題詩不見故鄉天

松筠庵人日

人日題詩春晝長
車塵繞屋暮昏黃
空傳名下無虛士
難得花前在故鄉
爆竹聲中連夜醉
繡幃影裏一身藏
百年生事憑誰說
笑聽闌黎過節忙

辛亥春日讀班昭女誡有感

抱雨春雲膩黏花
病蝶香莫因求偶
急輕上合歡牀
冷面鐵錚錚嚴妝
傲鄰女如何未嫁
時花底聞私語
竟擅專房寵其中
亦有天如花能幾
日何苦妬嬋娟
持家固有道入幃
亦有恥官學登徒
妻以淫事夫子
頗無奪寵心但有
可憐色媚人不殺
人此意已難得

衆女能謠詠皇天不棄捐事夫明大義何必小姑憐
兔絲附女蘿輕塵棲弱草纏綿白頭吟可憶前夫好
紛紛邯鄲倡數錢誇向客靜女如英雄千金不能嚇
細草綠濛濛弓鞋滴小紅任人闕宋玉無語立牆東
晨爲賣笑人夕作飲冰婦一日判貞淫如何不回首
聞田橋病小愈窮愁益甚且于去年喪嬾獨
攜幼女奉母空山中幾至無以存活爲之惻
然數日適過鄉人西去作七律二首寄懷
謀生計拙手頻叉累日因君仰屋嗟天下才人窮有
例山中孝子病無家都將冷淚填塵海難得春雲護

筆花并曰荒寒妖夢短忍聽嬌女夜呼爺
人高詩苦抱煩冤舉室啼飢援斷猿客去大呼真恨
事聽來惟願是訛言佯狂我竟慚雷義操尙君能學
邴原何處山田尋半畝同燒書籍跨烏犍

讀桃花扇傳奇偶題十絕句

竟指秦淮作戰場美人扇上寫興亡兩朝應舉侯公
子忍對桃花說李香

布衣天子哭荒陵選舞徵歌好中興不到無愁家不
破干戈影裏唱春燈

生遇羣奸死報君裹尸惟藉一江雲梅花嶺上衣冠

冷淒絕前朝閣部墳

君相顛狂將帥驕妖姬狸客送南朝百年剩有傷心
月還照清溪牛里橋

四鎮揮戈繞地譁東南白骨亂如麻更無漲墨書流
寇滿紙刀兵是一家

幡幢零亂繞壇開野哭茫茫亦可哀鬼聚中元燈火
裏奄兒魂餒不能來

丁字簾前奏管絃薰風殿裏聚嬋娟秀才復社君聽
曲如此乾坤絕可憐

一聲檀板當悲歌筆墨工于閱歷多幾點桃花兒女

淚灑來紅遍舊山河

正月十三日稚存子飴孫

孟慈

在常州娶婦

稚存招飲于上下三千年縱橫二萬里之軒
席上口占爲稚存侑酒

狂奴氣象猝然尊娶婦稱翁欲抱孫日下歌聲將進
酒江南春色正盈門一攢星月房中燭十里笙簧柳
外村我醉竟思乘鶴去試燈風裏看新婚

飄飄丹山老鳳聲詩家兒女定多情雲容窈窕春猶
淺人影團樂月倍明新婦先諳姑食性仙郎應跨父
才名羨君玉嶽遊將遍不似當年向子平

試燈日微雪

聲寂影濛濛
霑衣任好風
無花春雪豔
取酒俸錢空
鳥窺簷皇干
燈隔巷納天
涯歸思遠
新柳灞橋東
過人厰舊宅

花底重來異
死生八年風
雨暗吞聲
天皇定例須
恩愛歷劫難
磨是此情

十四日感舊寄亥白

去年此日與亥白同下啗陵

蕭蕭風雪閉僧樓
却爲懷人感舊遊
誰與對牀談往事
夢花如雪夢南州

生涯疑是打包僧
欲了情緣苦未能
雪夜一甌薤煮

飯思君不踏上元鐙

土元雪後鄰僧澹雲攜姪錢生昌受業于余
並餽酒食冠履爲贄作詩謝之卽以贈錢生
荒經自笑客何能載酒人來不敢應卿法莫求如我
法一燈須悟是千鐙書述夏楚情猶昨門生徒愧
轉增屏却雪中羹煮飯可憐口腹累鄰僧

春日憶內

豆幃何必諱鍾情窈窕人宜住錦城小婢上燈花欲
草蠻奴掃雪簃無聲春衣互覆宵寒重繡被聯吟曉
夢清一事感卿真慧解知余心澹不沽名

一雙人立影珊珊
覓欲移家住
廣寒別後方知春有
夢書來惟許月同看
癡情憐偶如余
易幻想登仙似
汝難歸去清齋參
繡佛拈花密坐小蒲團

少與亥白流寓漢陽
奔走衣食飢寒中時時
離別戊申余舉順天鄉試
亥白舉于鄉明年
同試禮部下第後並馬西歸
偶宿劔州武連
驛阻雨三日荒山土屋中
對酒移燈懨然有
遺世出塵之想因作二絕句誌之
是年殘臘
以奉父母之命復偕計北上
重宿武連默計
同舉以來三年中相聚之日
惟在道路回憶

山中詩酒漢上窮因飄忽如夢如何可言今
亥白又依人度嶺余獨居京師相隔者又將
一年矣月夜不寐作七律四首寄懷

聚散茫茫十五年偶然對榻亦堪憐飢寒不死悲江
上風雨重遊夢武連去日難收離別淚半生如此第
兄緣青山繞屋終歸隱可惜鶯花負眼前

瑟瑟春衫此舊遊汝南宅裏共勾留

已酉庚戌皆寓
巷西外島周學

宅出山坡頽科同舉入洛機雲屋兩頭別夢無端半
易水浮蹤何處問潮州夜深危坐看明月跨海清光
萬里愁

古寺深居獨悄然枕邊馳道苦喧闐名隨謗得仍遺
忌詩逐愁空漸人禪我輩有情難作客人閒多累欲
登天頭皮未老心先退收斂才華避少年

三等何曾似子由頭銜幸不領商州校書官好才難
稱夾巷門多刺嬾投客裏懷人如被酒夢中得告勝
封侯武連舊約須同踐買斷峩眉日夜遊

贈稚存

謗譏滿耳盡無端漸近中年得友難異姓逢君疑骨
肉同朝知我耐飢寒科名通顯宜經世詩酒流連莫
負官交到重泉心不死他生還作眼前看

去年冬夜忽有訛言謂余陡病將死同年石
竹堂三鼓扣門惶然問訊余固無恙也竹堂
憂予沈溺詩酒終不免銷磨于此規勸久之
乃去今年春夜病咳不寐念良友之言如在
目前而交好之情直可通于身後作詩誌感
臥聞飛語惺然驚死友君真范臣卿萬里憑誰憐病
骨百年從此見交情關生意厚心如醉逆耳言多夢
有聲縱酒攻詩今漸悔讀書從汝贊昇平

懷許齋

日日相尋到古祠秋鎗煮茗話移時纏綿意足交仍

滄規靜情長去每遲嗜酒不狂無我敵閉門非嬾獨
君知一行作吏今何似滿眼桑麻愼所司

贈滄湄

論交無喜亦無瞋落落相看現在身人欲羈時仙佛
好世緣空處性情真竟逃方外翻多事能入元中自
有鄰君且緡經吾且醉大家遊戲住風塵

題楊子靖

紹菴

山陰雪樵圖

子靖山陰人
今居常州

買田住陽羨對雪畫山陰名士愛吳語遠遊思越吟
春遲松嶺秀寒峭水窗深乘興白來去澹然忘古今

正月二十八日

東風噓寒雲雪夜融作雨飛鳥爭扑窗嚶嚶滿堂宇
空庭履綦絕春色澹如許戴笠訪鄰僧微聞隔牆語

二月一日

閉門才幾日氣候忽中春臥病如成佛觀書勝詣人
詩多常感舊食少亦忘貧一醉殊難得花時想俸銀

船山詩草卷六

遂寧

張問陶

仲治

乞假還山集上

辛亥

辛亥二月三日得假寄舍弟壽門

報書才下許西歸便指青天興欲飛
驚走忽將呼弟妹笑談如已到
庭闈從來自苦難爲客臨去何妨更
與衣忙煞春明門外柳隔年迎我又依依

寄亥白

時在粵

得假歸心促思君別夢長遙遙同作客
踽踽獨還鄉

南望迷春色西行愛夕陽連牀無限好早晚束輕裘
驛路臨涪水蠻叢抱益州奇雲穿華岳古雪照河流
並馬山千疊聯吟屋兩頭此行成獨往處處億同遊

畱別郡下諸同年

一椽破屋寄三川累我西行欲上天十萬峰巒生足
下尋常雲月在眉前花時淚飲從田父雪夜狂歌理
釣船只恐重來忘禮數倒持手版喝同年

得假後出都無貲頗有羈旅之感作詩呈諸
親友

隔歲渾忘得假遲逢人先索送行詩翻愁把袂畱難

住竟擬驅車醉不辭夢擾鶯花迷遠道書投山海告
歸期那知一綫初三月看到圍欒未別離

剝啄聲多惱四鄰敲門偏有索詩人思歸奴亦慵磨
墨著論錢真妙入神醉捲詩書疑夢寐臥聞鈴鐸愛
風塵去無資斧居無俸貧到今年始是貧

十九日習之招同子卿竹堂稚存琴山質夫
立凡攜酒遊釣魚臺

東風日日吹車塵人欲閑處忘天真出郭始知春已
半卷鬚小蝶來無算柳枝漠漠籠青煙山桃欲開紅
可憐人聲漸遠波聲小一片明湖出林杪輕條啖水

舟上言
隔隅來水光滉漾金銀臺遊人面積城中土影入寒
流亦奇古舉觴席地同醺呼岸頭推擊驚官奴酒徒
觀世最平等興到能拉乞人飲四圍觀者如堵牆西
山那冒遮斜陽就中我是將歸客也從杯底忘離別
痛飲不妨十日雨更呼四座邀重遊主人騰山客上
樹醉後相尋不知處

題倪星堂畫扇

金粉零星蝶翅輕養花天氣雨初晴尋常煙景關何
事展向風塵使有情

二十六日質夫招集同人重遊釣魚臺看桃

北

再踐城西約花開客未歸
煙波猶澹澹楊柳漸依依
裘屐迷春草壺觴滿釣磯
東風如惜別欸欸拂征衣
六士筵上贈歌者才寶

小桃花下買青春細選名優
餞酒人好色未除才子氣
坐懷如現女郎身詩逢離別
情難盡事近猖狂意最真
忽對紅顏參妙諦登場容易
著風塵

貧不能歸范攝生夫子爲我
辨裝作詩誌感離筵醉死未
還家忽捧朱提便買車累到
師門貧可笑攫金猶喜勝劉
叉

臨別松筠庵

九秋賃廡到三春不爲真如爲直臣別有閒情栽杞菊喜無熱念愧松筠居深自笑成何事緣盡還須讓後人醉入輕車揮手別奚囊猶似去年貧

二月二十九日出都述懷

小碾輕車出鳳城東風暖到子規聲一官偶得常疑夢萬里能歸豈好名細咏白華真樂事便言畫錦亦人情迴鞭忽下憐才淚八百孤寒羨此行

年年旅食歎勞薪又對春明折柳人盡篋隨身干管禿鶉衣衝雪一僮貧山中酒熟還家好雲外心閒得

句真何學相如西去日高車駟馬嚇鄉鄰

長新店風夕

野曠風聲合春濃客夢沈
辦裝師友誼加飯父兄心
久病疑殘衲中年愛苦吟
囊琴含古調牙曠定知音

良鄉道中

三月初一

人瘦敝車寬風高大野寒
還家逢上巳惜別望長安
日影橫仙塢松香簇將壇
城東楊柳色愁絕九回看
初五日夜抵伏城驛懷亥白

煙深樹黑沙溟濛一邨燈
火零星紅行人日暮苦飢
渴馬聲鈴語俱念念唐門
童叟笑迎客隔年風景猶

舟中言志
如昔雨中忽憶對牀人。塵夢茫茫海濤白。道路聯吟
亦有數重來。惟有題詩處。泥鴻轉眼各西東。愁殺驛
前楊柳樹。

雨中發柏鄉

小雨潤雞聲。春衣怯早行。風迴新柳亂。風定遠山明。
花樹紅無際。原田綠未平。只添黃竹子。便是錦官城。

臨洛關

一桁春山小。千尋古樹奇。桃花含雨重。洛水逆風遲。
世治雄關靜。年豐過客知。四圍芳草合。閒煞牧羊兒。

由獲嘉至武陟道中卽目

古陌人稀柳亂栽馬蹄無力蹴塵埃春田一碧平如掌時有飛鴻作雨來

河內與陳凌滄瀨飲酒

迎鑾江上去來船回首煙波思渺然河朔停車逢穀雨漢南同硯憶髫年論交情重偏如夢好色心濃已近禪記取目前詩酒與白榆滿地月初圓

日本刀歌贈陳瀚

海客貽我日本刀寒光一尺凝冰蛟醉中脫贈意無極愛君磊落千人豪盤根錯節別利器安居美食成何事淨世升沈盡偶然少年莫損英雄氣所地起舞

爲君歌。我輩自視當如何。藏刀不用亦神王。請君一日三摩挲。書生戴頭不敢近。死守毛錐剛一寸。那知烈士多苦心。文人好武原非病。君不見鄉曲小儒無血性。

孟縣客夜寄荅陳理堂屢時客武陟

意外相逢最有情。英才集裏舊知名。人能脫略交方古。詩到空靈藝始成。花底不妨同醉死。世閒能得幾狂生。臨歧更感王明府。五斗攜來共解醒。

三月二十二日洛陽旅次徐尙之通判書受

邀同董超然柴雪橋家復庵愚亭叔姪及從

弟受之攜酒遊櫻桃溝魏氏山莊

櫻桃未紅春已深此時載酒宜山林徐公作詩偶作
吏能拉過客同遊戲我出北郭忘西征不聞車聲聞
馬聲文人好事古或有愛君一見如平生董公落馬
能不死只此已足空餘子柴公得食聲何歡入座直
欲擒杯盤吾家羣從亦不俗惡馬騎來勝臣叔謂復庵
七人飲酒千人看一村女兒俱上屋懸厓生泥不生
石却有連林際天碧名園頽盡荒莊奇自有此山無
此客君不見竹林之游亦偶然舉觴一醉人爭傳百
年未盡且行樂何處相逢無酒錢

慈礪小憩懷亥白

渡河山勢漸成峯。逐處停驂訪舊蹤。別夢頓忘歸路好。詩情不似去年濃。嶺南瘴癘懷坡老。洛下風塵感土龍。四海兩心天萬里。春愁如瘼起重重。

燕豫道中短歌

朝披青羊裘。日午單綃衣。四時之氣一日備。道旁春柳空依依。入洛不登崧高山。身非木石何其頑。好色不淫邯鄲倡。少年如我真古狂。欲拉乞人飲。先索官長錢。此中生氣蓬蓬然。道逢龍比弔其墓。三代聖人都在上。天君不見萬樹圍。樓桑萬鬼聚北邙。萬山鬱鬱

連陳倉一車兩馬獨西走。眼中何物非他鄉。吁嗟乎
眼中無物非他鄉。安得四海弟兄俱對牀。

二陵車中假寐

石碎馬蹄急。揮鞭入亂山。日光沈鳥外。人影過花間。
春好心逾淡。詩狂醉欲刪。車箱愁獨寐。歸夢滿秦關。
嶠函道中遇雨回車宿張茅逆旅

矮屋低于鴨嘴船。轆轤聲急小窗前。閉門一樣聽春
雨。想到關河便黯然。

陝州客夜卽事

夜黑天蒼首自搔。衆星無月不能高。高山圍河上峰全

出○人近關中夢亦豪○櫪馬臨風銜塞草○邨翁燃燭看
宮袍○城頭鼓角聲悲壯○欲挽將軍問六韜○

橋頭溝

店壁有已酉還山題句

如繩溝水亦潏潏○時有驟網聚水濱○三月花光還繞
樹○一州山色不娛人○泥沙得勢東風驟○餅餌無香小
市貧○舊日題詩猶滿壁○春衣重拂隔年塵○

將入函谷關好陽河上寄石琢堂殿撰

相看無語亦欣然○杯酒時時累俸錢○一屋兒童爭索
畫○滿衣星月共朝天○蘊鱸話別將歸日○風雪論交未
遇前○細棧雄關山萬疊○尺書休惜衍波箋○

靈寶旅夜

鼠翻囊橐小驚猜一穗昏鐙暈不開特地夢回風力
陡自楊吹作雨聲來

稠桑驛

時周孺人歿已六年矣

六年難覓返魂香妙子呼來亦渺茫天氣人情爭黯
淡落花滿眼過稠桑

閬鄉縣沿河西行晚眺

谷底驅車笑語喧那知頭上有平原河聲夜汨將軍
墓雨氣春圍太子園城啟重門沙可掬花零孤樹烏
無言船司空接風陵渡我欲乘楂問水源

雨

春雨如故人相隨不忍別知我望前山遮斷前山缺
華陰客夜讀卷施閣詩文懷稚存

燒盡黃初已後文居然搗筆學三墳敢爲險語真無
敵能洗名心更不羣死有替人應屬我詩多奇氣爲
逢君天涯夢繞卷施閣尙憶狂談坐夜分
八關風雨暮匆匆胸有奇愁氣自雄浪逆洪河齊捲
岸雲分太華亂騰空能驅我馬遊天外難得斯人到
眼中大筆一枝山萬仞題詩何日與君同

華陰廟

殿古香成國旃檀日夜焚鷄啼三代樹龍擾一樓雲
帝大神光活峯多雨氣分華陽西望遠春色滿河汾

華州道上餞春

麥鎌聲亂草萋萋到處勾雷任馬蹄又送一年春過
去柳花如雪滿西谿

水香花瘦雨無聲祇有垂楊綰送迎漸近中年難作
客餞春也動別離情

四月一日夜經驪山作五律二章題臨潼店

壁

樹底星光遠人閒夜氣微近山泥擁轂照馬僕燃鐙

花事憐韋曲春愁接灞陵獨遊詩草亂難得故人騰
面目兒童識重來一惘然詩情如昨日春夢此連年
去年穀日獨火驪山麓同雲戲水前不知風雨外何
處故鄉天

武功道上

舊識周原路人家麥浪中一花明好時初月上扶風
雪古連峯白神尊遠寺紅詩情如渭水歲歲繞城東
重宿岐山鳳鳴店弔主人李君

萬樹擁山城年年過客情我來尋舊館君已到他生
駒隙時何速鴻毛死太輕脫驂空涕淚明日又長征

入棧卽事

棧雪如有約。一歲一相逢。石氣經春秀。詩情入夏濃。
么紅憐鳥啄。萬綠變山容。父老都疑我。神仙少定蹤。
入谷水聲急。新晴山氣開。孤城回首隔。萬嶺望空來。
壑大龍能守。薪多木不材。朝衫隨意脫。猿鳥莫驚猜。
四月好天氣。人來綠雨中。林荒雲入市。峽仄水生風。
茶熟泉香熱。詩成酒力雄。山寒花事晚。一樹小桃紅。
峰影千層密。人煙一縷新。牀頭安水碓。樹腹祀山神。
坐石衣衫潤。看雲笑語真。此中疑世外。無地著風塵。
能使長天小。前山氣象凶。地貧花爛漫。人滿貌龍鍾。

流水還歸谷。奇雲不盪胸。竟思尋大斧。截去兩三峯。
天上閒吟好。煙霞帶墨磨。奇山都有骨。古塔漸生魔。
關狹風吞馬。厓傾樹入河。三年行篋滿。詩比亂峯多。

長橋早行

四山清香生。草萊夜光乍。滅晨光開鳥。聲聞馬一齊。
出林影隔溪。無數來日上。雲封虎狼窟。峯低霞補金。
銀臺天桃半。落水風急小。坐流觴。花滿杯。

五星臺道中

萬壑聚禽聲。嚶然百種鳴。林閒時見日。花落不知名。
急瀑懸風雨。浮雲苦送迎。可憐山下路。宛轉似人情。

入大散關

峰巒疑無路穿雲得散關民風輕虎豹石骨肖羌蠻
雒老聲如析龍歸氣滿山盤空人馬靜終日翠微閒
花壓秦山白天連閣道青日斜關月正民拙土神靈
城市依林麓牛羊聚驛亭子規何太苦歸路尙丁寧
心紅峽新築小亭曰繞翠題七絕二首于亭

南大石上

連年詩興此中多恨少紅關擁翠螺何處得來賢令
尹一椽小構補巖阿

千里雲山敞畫屏看來無此數峯青何人袖筆遊秦

舟中言事
樓題作天西第一亭

山行咏雉

穀雨才過麥秀勻雉鳴鷺鷺隔荆榛歸逢山澤神先
王名讓鸞凰氣未馴助我文明曾作贊容君耿介恐
無人草間飲啄渾常事早晚雄飛莫誤身

重宿南星舊館和亥白已酉題壁元韻

青山曲裏聯吟處一樹長松未改柯舉酒覓君君萬
里海雲飛不到巖阿

路轉羣峰次第開更無人處有塵埃明年莫忘遊山
約風雪還須並馬來

四過柴關題連理亭

樹老猶連理。人生慣獨遊。鳥聲千磴接。虎氣一山愁。
馬怒猿猱避。溪寒竹箭流。餞春才幾日。關月已如秋。

柴柏山謁留侯祠

數千年後訪遊蹤。知在雲山第幾重。世亂奇書能早
讀。功成仙骨不爭封。恩仇報盡尋黃石。戎馬歸來慕
赤松。看遍漢家諸將相。斯人出沒幻如龍。

封畱隨意了前緣。冠佩臨風尙儼然。像貌不妨疑婦
如英雄。原稱作神仙。一傳除國君恩薄。兩漢開端相
業全。幾卷道經三尺几。白雲終日在祠前。

褒谷聞蟬四月十五日作

四月青橋路新蟬第一聲
飄搖秋士夢宛轉故鄉情
谷暖槐花早山濃栗葉平
只愁今夜月風露太淒清

青山寺

畫裏青山寺林巒翠織成
經聲僧飯早花氣石樓晴
鳥樂人初散泉香水乍生
遠遊忘歲序風定一蟬鳴
介茲題予已酉庚戌棧道詩有云搜盡山川
奇句出聽殘風雨客愁來二語沈雄可愛入
棧後時時誦之四月十七日宿大安驛作五

律四章奉懷

時介茲亦乞假
由常州歸廣西

秦隴搜奇句。重來苦未休。山靈驚舊夢。海氣接離愁。
蜀鳥雲中樹。蠻煙嶺外州。還鄉皆萬里。看月當同遊。
口急當吳語。詩愁近楚詞。當筵常夢瑩。好內亦情癡。
拜舞腰圍重。招搖病態奇。疎狂隨處見。此意最相思。
記否聯吟處。松筠古佛前。夢中憐百粵。塵外話三川。
對酒成今昔。飛鴻忽後先。輸君惟一事。陽羨有新田。
一點蘆溝月。相隨不入關。別君無百日。知我度千山。
索米羌童小。窺人木魅閒。近知天上樂。沈醉白雲間。

四月十八日宿松林驛枕上作

四山圍住月黃昏。猿鳥兒童聚一村。燈逼氏羌疑鬼

蟻風騰牆壁，鬬雞豚更無好夢來。塵榻時有荒雲擁。
店門却憶去年今日事，瑤宮授簡拜新恩。
去歲四月十八日圓明園覆試

入七盤關宿轉斗鋪卽事

入關才笑子規聲，便有鄉人識姓名。歸路可憐山亦好，
來時曾記雪無情。煙霞跌宕知何日，婚宦流連慣遠征。
此去若逢嚴僕射，浣花溪上小經營。

竹磴

訛黑山人屐零星，野戍花數峯。迎面直一逕，繞天斜。
看竹宜塵外，穿林忽水涯。今宵沽酒處，燒笋定誰家。

廣元昭化道中雜詩

談笑來天上。浮雲下界多。長風騰僕馬。初日散關河。
石落峰能抱。泉高水不波。名山隨地有。何必訪三峽。
不雨雷爭出。無龍水亦靈。厓崩孤樹黑。洞豁古苔青。
羌女樵巖竹。仙雲過驛亭。重尋葱嶺月。佛火太零星。
短堠荒林外。山田細路分。牛耕天半石。人袖眼前雲。
城市煙霞老。蠶桑婦子勤。秀才真好客。招我夜論文。

廣元秀
才張瓊

田闢峯巒小。章然萬木空。頗能開地種。且爲祝年豐。
鄉僻難增賦。民勞易教忠。寄言清白吏。努力保淳風。

逸興如濠濮扁舟枯柏潭一枝煙鵬弱四面水花含
山色來蓬背波聲接劒南中流情自遠時共老農談
倚虹亭上望林壑滿晴空寺隱鐘聲出巖陰日氣通
水光平漢壽關勢凸天雄小坐尋田父烹茶得好風
畱成都二十日將歸遂寧別內子 五月
還山依舊片雲浮風雨勞勞敢倦遊兩地有家皆傳
舍半生立脚祇中流去來無處開三徑骨肉何年聚
一州閱遍榮枯多少夢可憐難醒是離愁

還家卽事

指點朝衫擁萬人攔街看煞苦吟身山靈頗厭旌旗

俗子舍微聞笑語新官倚微榮。謗父老祇愁多病。君親鏡湖一曲供漁釣。轉羨風流賀季真。

夏日家居卽事

一檐風竹響虛堂。雨過微聞水稻香。詩興漸隨愁共去。始知奇句在他鄉。

茶瓜畱客午風清。話到桑麻便有情。除却求書兼送酒。花南絕少叩門聲。

夏日夢中得後二句因足成之

數聲秋雁渺天涯。短夢寥寥感歲華。點綴夕陽疎柳外。一行零亂一行斜。

題蔡文姬塞外小像

新人零落故人亡。女子多才定不祥。知已偏逢曹孟德。生兒空恨左賢王。悲笳吹月春如夢。古樹屯風夏有霜。轉笑虎賁難再得。披圖髣髴憶中郎。